



---

Broj: 05/1-50-13-29-27-3/16

Sarajevo, 7.12.2016.

## ZAPISNIK

### 27. sjednice Nezavisnog odbora Parlamentarne skupštine BiH

Sjednica je održana 7.12.2016., s početkom u 17 sati.

Sjednicu je sazvaio Žiko Krunić, predsjednik Nezavisnog odbora.

**PRISUTNI ČLANOVI NEZAVISNOG ODBORA:** Žiko Krunić, predsjednik Nezavisnog odbora, Enes Obralića, prvi zamjenik predsjednika Nezavisnog odbora, Mato Jozić, drugi zamjenik predsjednika Nezavisnog odbora, Ilma Mehić-Jusufović, Adisa Begić, Nikola Džambas, Mate Miletić, Ljubomir Kuravica i Miroslav Škorić, članovi Nezavisnog odbora.

**OSTALI PRISUTNI:** Ivana Lovrić, koja obavlja poslove sekretara Nezavisnog odbora.

Sjednicu su pratili i Jovica Katić iz Sektora za odnose s javnošću Sekretarijata Parlamentarne skupštine BiH te Dijana Šatara i Senad Zlatar, predstavnici OHR-a.

Sjednicom je predsjedavao predsjednik Nezavisnog odbora Žiko Krunić.

Konstatirajući da postoji kvorum za rad, otvorio je 27. sjednicu Nezavisnog odbora Parlamentarne skupštine BiH.

Nakon predlaganja dnevnog reda, a prije glasanja, predsjednik Nezavisnog odbora otvorio je raspravu o dnevnom redu.

Za riječ se javio Miroslav Škorić, član Nezavisnog odbora, koji je predložio uvrštavanje u dnevni red 27. sjednice Nezavisnog odbora pod tačkom a) tekućih pitanja - Razmatranje natpisa u novinama Euroblic od 1.12.2016.

**Ovaj je prijedlog jednoglasno je usvojen.**

## **D N E V N I R E D**

1. Usvajanje Zapisnika 26. sjednice Nezavisnog odbora;
2. Razmatranje Zahtjeva Svevlada Hoffmanna, broj: 05/1-50-19-2957/16, od 23.11.2016.;
3. Usvajanje Izvještaja o posjeti Direkciji za koordinaciju policijskih tijela BiH;
4. Tekuća pitanja:
  - a) Razmatranje natpisa u novinama Euroblic od 1.12.2016.

### **Ad.1. Usvajanje Zapisnika 26. sjednice Nezavisnog odbora**

Zapisnik 26. sjednice Nezavisnog odbora usvojen je jednoglasno, bez primjedbi.

### **Ad.2. Razmatranje Zahtjeva Svevlada Hoffmanna, broj: 05/1-50-19-2957/16, od 23.11.2016.**

U uvodu u ovu tačku dnevnog reda predsjednik Nezavisnog odbora Žiko Krunić podsjetio je članove Nezavisnog odbora da je zaprimljen Zahtjev Svevlada Hoffmana da mu se, u skladu s članom 11. Zakona o slobodi pristupa informacijama u BiH, dostavi informacija i uvid u određenu dokumentaciju kojom se Zoran Galić, aktuelni direktor Granične policije BiH, prijavio na Javni konkurs za provođenje procedure odabira kandidata za izbor direktora i zamjenika direktora policijskih tijela BiH.

Također, predsjednik je naglasio da je Nezavisni odbor 29.11.2016. pod brojem 03/13-50-19-2957/16 zaprimio i Molbu za dostavljanje podataka po istom zahtjevu od službenika za informiranje Parlamentarne skupštine BiH Zlatka Vukmirovića, koji, u skladu s članom 19. Zakona o slobodi pristupa informacijama u BiH, obrađuje zahtjeve i dostavlja ih podnosiocu zahtjeva, te otvorio raspravu.

U raspravi su učestvovali svi članovi Nezavisnog odbora, nakon koje su jednoglasno donijeli odluku da se službeniku za informiranje Parlamentarne skupštine BiH uputi dopis u kojem ga obavještavaju da se traženi uvid u dokumente nalazi u arhivi Parlamentarne skupštine BiH te da je po navedenom zahtjevu neophodno donijeti rješenje za šta je ovlašten, prilikom čega je

neophodno uvažiti činjenicu da je Nezavisni odbor predmetnu dokumentaciju već dostavio nadležnim pravosudnim organima.

### **Ad.3. Usvajanje Izvještaja o posjeti Direkciji za koordinaciju policijskih tijela BiH**

Izvještaj o posjeti članova Nezavisnog odbora Direkciji za koordinaciju policijskih tijela BiH 16.11.2016., u sastavu: Žiko Krunić, predsjednik Nezavisnog odbora, Enes Obralića, prvi zamjenik predsjednika Nezavisnog odbora, te Nikola Džambas, član Nezavisnog odbora, jednoglasno je usvojen, bez primjedbi.

### **Ad.4. Tekuća pitanja**

#### **a) Razmatranje natpisa u novinama Euroblic od 1.12.2016.**

Predsjednik Nezavisnog odbora Žiko Krunić dao je riječ predlagачu ove tačke dnevnog reda Miroslavu Škoriću koji je u uvodu naglasio kako je u printanim novinama Euroblic od 1.12.2016. objavljen članak u kojem je prenesen stav poslanice iz Predstavničkog doma Parlamentarne skupštine BiH u kojem je navedeno nekoliko netačnih navoda i podataka, a u vezi s naknadama za rad u Nezavisnom odboru. Naime, u navedenom tekstu poslanica je navela da članovi Nezavisnog odbora primaju naknade za rad od po 1.500 KM, što nije tačno. Prema Odluci o naknadama za rad u Nezavisnom odboru, članovima Nezavisnog odbora pripada naknada u mjesečnom iznosu od jedne osnovice za obračun plaće zaposlenim u institucijama BiH, a to je cca 475 KM. Predsjednik Nezavisnog odbora otvorio je raspravu u kojoj je učestvovala većina članova Nezavisnog odbora, nakon čega su jednoglasno donijeli

### **ZAKLJUČAK**

Radi tačnog informiranja javnosti, potrebno je da se na internetskoj stranici Parlamentarne skupštine BiH, u dijelu Sektor za druga parlamentarna tijela - Nezavisni odbor Parlamentarne skupštine BiH, postavi informacija koja glasi: „U skladu s Odlukom o naknadama za rad u Nezavisnom odboru i Odboru za žalbe građana, broj: 03/5-50-14-11-11,10/16, od 14.6.2016.: - članovima Nezavisnog odbora utvrđuje se naknada u mjesečnom iznosu od jedne osnovice za obračun plaće zaposlenim u institucijama BiH;

- ako u toku mjeseca nije održana nijedna sjednica ili ako član ne prisustvuje nijednoj sjednici, nema pravo na naknadu;

- članovi Nezavisnog odbora imaju pravo na naknadu putnih troškova za dolazak na sjednice u visini pojedinačne karte od mjesta prebivališta do mjesta održavanja sjednice i nazad, po svakom dolasku na sjednicu;

- članovi Nezavisnog odbora koji su zaposleni u institucijama koje se finansiraju iz budžeta institucija BiH, Federacije BiH, Republike Srpske, Brčko Distrikta BiH i kantona, izuzimajući visokoškolske ustanove, nemaju pravo na naknadu ako su radili u toku radnog vremena.

U skladu sa Zaključkom Zajedničke komisije za administrativne poslove Parlamentarne skupštine BiH, broj: 03/5-50-14-11-13,2d/16, od 29.8.2016., članovi Nezavisnog odbora nemaju pravo na naknadu za noćenje.“

Predsjednik Nezavisnog odbora Žiko Krunić zaključio je sjednicu u 18,45 sati.

**SEKRETAR**  
**NEZAVISNOG ODBORA**

Ivana Lovrić

**PREDSJEDNIK**  
**NEZAVISNOG ODBORA**

Žiko Krunić